

三省邊防備覽

三省志卷之七 險要下

淑江嚴州府志

險要

鄖陽小西扼秦蜀東捍唐鄧南制荆襄北連商洛郡邑雄峙其中六牙相錯舟車萃止四塞奧區三邊重鎮往時臺臣駐節籌畫之所江漢所倚爲安危也

鄖國境東二十里史記貨殖傳西通鄖閬者也琵琶谷繞其下爲郡城門戶康熙初年撫治楊懋勲殲賊於此

天馬關在漢江之南一名天馬巖舊傳巖裂出天馬王三字當房縣竹山要路

月竹關城西南一百八十里山勢嵯峨磴道詰屈東南交房縣

西北通竹山亦爲要隘

梅家鋪城東北一百四十里重山疊嶂結有小坪東達河南浙川之荆子關北通陝西之商南爲郡東北要隘鄉民築堡爲固設有弁兵防守

江峪城東北一百八十里距梅家鋪四十里東連河南浙川北達陝西南商州連山疊嶂徑路崎嶇爲郡要險設有弁兵防守

白桑關城東北八十五里東通江峪北通梅家鋪西至雲夢縣十五里郧縣爲房竹西則郧西上津東北一路經寶寧省南陽汝陝衝要寇山豫竄入多在此路防維最爲重要

楊溪塘白浪口相距十里城東一百七十里左界商南右界浙川花石埡草廟嶺相距十里城東北一百四十里右爲均州左界淅川山谷阻深均爲要隘

茅塔堡亭竹山相距十餘里城南一百八十里西界竹山南界房縣亦扼要之區

黃龍灘山堵河口而在城西南一百六十里堵河兩岸有東西花果園相距五十里傍山臨水均爲要隘設弁兵防守

神定河城東南二十里源出竹山流入漢江將軍河城西北二百一十里北與紅石河會流入漢木瓜溝與白河接界均爲要隘設弁兵防守

三才圖會卷之八  
天心山城西一百二十里方圓百餘里形如城垣四面有門上有石槽長數十丈山高林深爲郿境巨山折而西名羊尾山蜿蜒至郿西境內

廣山城西一百四十里高二里頂濶二里餘周圍峭石森立狀若城郭下臨漢江北爲郿西西爲陝西白河其西南五里卽孤山

房縣西連九石南抵建鼓楚蜀咽喉之會糜庸聯絡之區縱橫千里山林鞏固有如房屋蓋壯縣也

老寨縣東二十里有後巖山險阻異常明劉千斤名通據之爲白圭所破後流賊王斌亦恃爲巢窟郿鎮王光恩破之

博磨坪縣南一百八十里距冷盤壩三十里連峯疊巘中結小坪東通保康南接興山五方雜處往時移安板橋巡檢旋裁近議仍設巡檢要隘之區防範不可少疎

九道梁縣西南三百六十里在萬山中與四川大寧巫山接壤設有巡檢冷盤壩大小羅溪獐落河廟坪九湖坪各要險均相毗連鷄鳴口尤爲要隘嘉慶元年巡檢黃詔於此堵賊陣亡防範不可少疎

上龕縣西南二百一十里房之西境馬鬃嶺老旺壩均皆要險崇山深谷凹凸起伏無一處平坦此地稍爲寬敞頗有水田東接九道梁西連獐落河戡伐時大營往往駐此設有守備

營防守

獐落河縣西一百六十里至陰條嶺一百八十里通四川大昌  
大家巫山最爲扼要設有弁兵防守

冷盤壩縣東南通興山臺口臺口在五臺山下接連老官寨甲  
長坡均通興山要隘

板橋縣西北一百八十里有捷路出磬口卽堵水東南通大木  
廠往郡城要路

洛陽河山在城南四百六十里山上十二坪甚廣有池名九湖  
坪坪中有一峯名曰嘯天龍九湖坪上下老林百餘里葱蒼  
蔚鬱極其幽邃羊腸詰屈險阻異常與大昌大寧接壤

十盤山縣東北一百四十里懸巖千仞駭人心目中有石徑屈折十盤方躋其嶺秦有七盤高聳連雲十盤險更甚矣

房山縣西南四十里四面石室如房縣因得名

竹山縣東接均房西距岷漢爲古上庸國分封之地九里岡起伏於後鷄公嶺聳峙於前實爲壯邑

方城山城東三十里山上平坦四維險固圍護如城春秋庸叛楚使盧戢黎侵庸是也屈完對齊桓之方城在今葉裕之間名同而地異

官渡堡縣南一百二十里崇山陡拔溪水激湍爲南山要口設有守備營防守



白河口城南二百四十里北至平河口三十里經大平渡鐵路  
口爲赴房縣問道西山公祖河七十里至柳林店抵竹谿縣  
向家壩與核桃園相連南一百二十里洪坪又一百里經羅  
漢下壘子至青龍坡張公橋與竹谿縣山內往四川大寧大  
昌之路相會重山疊嶺中結小坪爲山中小場舊設有弁兵  
近議以房縣二竹南山內適中之地設同知廳治

洪坪堡縣南三百餘里北距鄧家壩八十里西至三才河與四  
川大寧縣交界連岡疊嶂羊腸詰屈明山寇野王剛聚衆據  
險撫治戴珊捕之置堡爲竹山南要路設有弁兵防守

田家壩縣西南三十里店社星繁水陸交通山中鉅鎮

界山有三界堡北接陝西白河西連竹谿縣亦爲要隘

吉陽關縣東一百里在聖母山麓北有關嶺綿亘甚長北接白河東通鄖縣山峻路險設有弁兵防守

保豐一作寶峯縣西九十里達四川陝西要路

兩河口縣西南五十里官渡柿河二水至此相會南至白河口七十里山勢穹窿溪流湍激均通四川要路設有弁兵防守化峪河塘在堵河東岸對寺河在堵河西岸均爲要險設有弁兵防守高興寨徐家坪與陝西洵陽接界

竹谿縣本竹山地成化十二年割竹山尹社店地方置縣縣境東西相距一百二十里北接洵陽亦一百二十里南界平利

大昌大寧與房縣接界計五百六十里包絡竹山之外關隘  
重重控制秦蜀

鎮鼓洞城東五十里卽磁瓦關頗爲險峻通竹山房縣要路柏  
林岡亦與竹山接壤縣河鎮城東六十里

核桃園城西四百二十里二竹房縣之境東西相距各一百數  
十里南北相距六七百里北與郧竹白河洵陽平利接界  
在二百里而近西與四川巫山大寧本省興山巴東歸州  
界均五百里而遙環遶千數百里高山峻嶺穹窿深邃  
叢篁蒙密蒼蔚明史流賊暨嘉慶年間教匪滋事往來  
多在此帶奔竄地勢使然防範爲急三縣之防

惟竹谿核桃園稍爲雄潤水廻山環軍興時曾紮十三大營  
東至向家壩二十里山內有小市場壩寬一二里長五六里  
雄壯不如圍而地稍平坦

向家壩崇甞百雉可斷川秦竄逸徑路北至竹山洪坪汛一百  
四十里東北至房縣九道梁二百四十里東南至巴東縣險  
峪河二百八十里西南至大寧鷄心嶺三百九十里

香溪界嶺縣西南三百六十里與四川連界渡船口縣南撰河  
寨縣南西設有弁兵防守

洞峙山縣西南五十里懸巖萬仞飛泉倒瀉循麓而上蹊徑絕  
陡相連大寨可容數千人康熙甲寅楊來嘉謝泗之亂竹谿

營擁衆以守賊屢攻不能下遂遁去

雲露溝梓潼垭均在縣西與白土關相通爲湖陝邊境相扼要  
隆嘉慶三年李董二參將捐軀於此

保康縣本房縣地明宏治六年割房縣潭頭坪之地置縣東枕  
屹峪南帶峽沙西按筆架北接烏峽屹然巖險之隅

千家林縣南六十里層巒疊嶂結成巨嶺西連紅巖寺東接程  
起山廣百里有奇袤五六十里其上寬坦霧作則冥濛莫辨  
登者紀路以標鄉民常避亂於此

梅子壩縣東北二十里與官山接連東北四十里通穀城界觀  
音塘縣東八十里水田坪縣東南九十里均與南漳接壤

野猫洞東連驢頭坡西接坎馬河通宜昌府東湖興山之路設  
引兵防守

鄖西縣本舊上津縣並鄖縣地成化十二年割鄖縣之武陽上  
津之津陽置鄖西縣東連均浙西枕金湖南阻楚水北抵商  
洛千峯百澗嶺崎蜿蜒實秦楚之交會鄖襄之屏藩

安家河在縣東北箭流舖在縣東火車嶺在縣南八里川在縣  
西吊橋在縣北均扼要之區

甲河關縣西南一百一十里河自漫川上津六郎關從此入漢  
小舟沂流而上直達商洛

黃龍洞縣西七十里黃鸞舖洞口廣三丈高一丈中空十餘里

明季寇亂土人避難其中生全甚多黃營鋪設有弁兵  
十八盤上津西一百五十里高峻盤折十八曲方躋其嶺

紅崖上津西北一百七十里穹窿崔嵬四面石壁峭立上稍平  
坦地極高寒冬雪結冰春融方釋磴道登陟維艱明季上津  
縣治燬於賊官師寄治於此

夔州府控帶二州限隔五溪據荆楚之上游爲巴蜀之喉咽史  
記楚肅王四年爲扞關以拒蜀華陽國志巴楚相攻伐置江  
關陽關東漢公孫述使將軍任滿下江州東四十里據扞關  
田戎出江關投巫及彝道彝陵據荆門虎牙建武十一年岑  
彭大破田戎於荆門率諸軍長驅入江關入江關則已過三

漢之陽奪全蜀之口公孫述之敗亡可立決矣東至湖北  
州三百三十里南至湖北施南府五百里西至忠州七百里  
北至陝西平利縣八百里自府治至成都一千九百里奉節  
縣附郭卽古魚復城

白帝山府東十三里峽中望之孤特峭立北緣馬道接赤甲山  
其平處南北相距八十五丈東西二十丈故巴東郡治此卽  
白帝城也四面峭絕惟馬嶺差逶迤晉益州刺史鮑隨鎮此  
爲譙道福所圍城中無泉乃南開木門鑿井爲函設機取之  
赤甲山在府東北十五里不生草木土石皆赤如人袒臂本名  
赤岬山



白鹽山在府東二十里巖壁高峻色若白鹽水經注自鹽崖高可千餘仞俯臨神淵是也明初伐夏湯和分軍出赤岬自鹽兩山之間

瞿塘關在府東二十里以瞿塘峽而名樂府解題曰瞿盛也塘陂池也言盛水其中可以行舟又曰夏則爲瞿冬則爲塘瞿塘峽爲三峽之門兩岸對峙中貫一江灩澦堆正當其口於江心突兀而出水經注自帝城西有孤石冬出水二十餘丈夏卽沒秋時方出諺曰灩澦大如象瞿塘不可上灩澦大如馬瞿塘不可下舟人以之爲水候亦謂之猶豫堆宋淳熙中有成鏞者遣人垂繩墜石以約之凡八十四丈嘗夏時江漲

急上水猶三十餘丈每一舟入峽數里後舟方續發水  
忽急恐猝相遇不可解析過堆進峽兩面高巖峻壁斧鑿之  
痕皴皴然而黑石灘最爲險惡兩石磯束江驟起水勢不能  
平峽流急甚常於四月初旬夏漲未發之時申初在夔門解  
纜酉初已抵巫山縣城計水程一百二十里則知千里江陵  
一日還之言不甚誇張也

八陣磧府城南八里夔州圖副曰永安宮南一里渚下平磧周  
廻四面八十丈中有諸葛武侯八陣圖聚細石爲之各高五  
尺廣十圍歷然碁布縱橫相當中間相去九尺正中開南北  
巷悉廣五尺凡六十四聚或爲人散亂及夏水所沒冬水退

依然如故

黑樓門城東三十里北往大寧之路連峯疊巘徑出溝中詰屈蟠折行三十里登紅巖石磴盤盤礪路逼窄約高十里險峻不讓九折坂也

巫山縣府東一百二十里南臨大江在峽北岸城憑石山爲固由江岸至南門盤曲而登至北門約二里許東西山高可以俯瞰城中限以大寧河百雉屹然極爲鞏固

文筆峯城東三里當大寧河入岷江處高峯千仞秀削青芙蓉立江表約高十餘里峽中遙望風景宛似小孤

巫山在岷江南濱臨江岸山根寬闊山頂平列六峯之前左六

在雨小峯作人立狀望之絕類巫字江行記自巫峽東至西  
陰峽皆連山無斷處非亭午夜分不見日月風無南北惟左  
上下圖經山抗峯岷峨偕嶺衡嶽其羣峯凝結翼附並出青  
雲世傳巫山峯曰望霞曰翠屏曰朝雲曰松巒曰集仙曰聚  
鶴曰淨雪曰上昇曰起雲曰飛鳳曰登龍曰聖泉下巫山峽  
三十里至神女廟廟前灘尤洶怒十二峯俱在北岸前後映  
帶不能足其數所見只八九峯惟神女峯最爲鮮麗巫峽之  
名因山名峽蜀人以其經東境亦謂之東峽也云

鳳凰山城北五十里由橫石塘漢坪塘斜裹而上上下六十里  
中間危坂數處石山壁立崕呀挺拔行人經過鮮不吁噫嘆

爲危乎高哉

龍霧山在鳳凰山下巫山往大寧大昌在此分路往大寧由青坪而至水坪往大昌則由錢家河北行龍霧山六十里至大昌又由龍霧山進溝往觀音巖東至巴東界

大昌在巫山西北一百二十里崇山峻嶺中忽開小坪人民築有土堡約五百丈堡在大寧河北水田二千餘畝人煙稠密往時大昌爲縣治無大寧自大寧建縣而大昌廢故歸巫山管轄大昌汛後東北六十里八石坪汛西南八十里茨草坪汛扼房竹相思嶺烏雲頂陰條嶺諸險明末楊嗣昌重兵守夔關而大昌至平利各隘口棄而不守賊山大昌自大寧徑

起開縣夔關反隔在外重兵爲虛設

國初設遊擊營改守備營後改營爲汛歸巫山營管轄兵力單薄近議仍添設守備足資捍衛

水坪大昌南四十里巫山往大寧在此相會西南行則往夔府之路大寧鹽廠小船挂號稽查

大寧縣郡東北一百八十里前臨深澗後倚峻嶺一帶石山壁立城在山椒因山爲城東南二面砌有石塊磚垛百雉屹屹甚爲鞏固

露風垭縣東四十里靈官殿縣東二十里由水坪西北登山峭拔盤曲陡山從人面起攀援而上冬春亦汗流至垭忽覺清

風吹面故以露風名由堙下至靈官殿土山蜿蜒由靈官殿  
至大寧城石嶂嵯峨望之如夏雲奇峯避大寧鹽廠之險向  
靈官殿東北繞道可至徐家壩

大寧縣北三十里沿途石壁陡峭狀似神工斧削與巫山峽  
無異從石壁攀藤附葛而行失足輒墜澗底背負馬騾決不  
能行峽中河流一道小船載鹽貨上下而上灘曳纜之夫因  
無緯路時東時西均由水中跣過若漲發至二三尺則小舟  
亦不能上洵爲天險

鹽廠大寧東北三十五里由峽河沂流而上三十里又從小河  
口西進五里至白龍泉兩岸窻戶住居五方雜處人煙稠密

譚家墩在鹽廠東十里鹽廠由小河進譚家墩則由大寧河  
上五里鹽廠營安於墩後憑峻岡前臨深澗礪路一線人馬  
難行亦當關莫過之險明末流賊之擾鹽廠先被焚掠而大  
寧相繼燬破良以鹽廠失守則搶船作筏即可順流而下譚  
家墩爲鹽廠之門戶卽大寧之藩垣也

徐家壩在鹽廠東北六十里由譚家墩東上十五里至兩河口  
山峽礪路人馬難行仍可乘小舟沂流而上兩河口過神鹿  
坪至徐家壩一帶路尚平坦徐家壩地稍開拓爲山內小壩  
經畧額侯嘗於此安設守備營並駐客兵防堵因思川楚邊  
界巫山至鎮坪三百里間由巫山縣渡龍霧山六十里限以



鳳凰嶺自靈官殿繞大寧至兩河口七十里石壁嵯峨儼同  
鐵垣自大寧苦竹壩上鷄心嶺下平利之瓦子坪危峯掉天  
高出雲表此三處無論人馬皆不能度卽飛鳥亦難以過惟  
龍霧山從大昌至水坪東扼相思嶺烏雲頂各路出大昌  
可取道至大寧之南奉節之北沿山徑達開縣東鄉矣古  
鹿坪經徐家壩東扼黃草坪張公橋蕭家坡各路徐家壩不  
守則可徑由一碗泉至鹽廩之後徑達城口雲陽矣顧彼於  
此二處安設大卡派勁勇將官把守識畧洵爲卓絕然非跋  
涉險阻躬歷山間則於邊境形勢不能瞭若指掌如此  
一溫泉在徐家壩西北一百四十里山勢峭峻扼平利太平之

路間道不過鷄心嶺由徐家壩西廟埡子賀岡溪至一碗泉由一碗泉三十里至三王廟卽城口廳地也

九龍池在鹽廠西一百三十里通老木園路峯巒重疊曲折蜿蜒亦爲要隘

萬春河縣西二百四十里由核桃壩紅池壩而進至此爲老林要口北一百四十里至桐油壩西北七十里至剪刀峽爲大寧城口交界要隘

雲陽縣在夔府西一百八十里濱臨大江縣境在江南者地方遼濶與湖北恩施建利接壤東北重岡疊阜絕少平原邊境與大寧太平開縣相接連間有未開老林

雲安縣城東三十里由小河進井竈數十處人煙稠密設有鹽大使管理

上三壩雲陽東北邊界東至大寧天心觀七十里至寶塔十五里西至沙陀子六十里南至銅錢壩三十里當山中四達之區頗爲要隘

路陽三壩雲陽北界與開縣接壤地稍平坦中有水田

東陽灘雲陽東三十里至廟磯子十五里層巖亂石森立江中波濤湍激水大則東陽可虞水小則廟磯更險爲川河著名大灘稍不戒則傾覆可虞

小江口縣西七十里當開河入岷江之處河津要口稽防不易

雲陽縣西九十里爲雲陽開縣交界之所陸路要道雖無險阻而漫坡斜嶺非坦途可此

開縣在藥府西北三百六十里北連太平東鄉西接雲陽萬縣東扼大寧奉節西通新寧梁山山阜崔嵬川原肥美爲一郡壯邑

網鹿溪城東六十里開河經田之地通大江要路交雲陽縣界鐵峯山城南一百二十里危崖卓立交萬縣界

石香爐城西南一百五十里山勢崢嶸四面峭削礮路一線交梁山萬縣要隘

臨江市城西七十里上通綏定當入省大道煙火千家爲開邑

重地設有兵防守

寶山關城西一百二十里山勢蜿蜒磴路蟠折爲入省大道交  
新寧縣界

楊柳關城西北一百六十里連岡疊嶽起伏蜿蜒羊腸一線與  
東鄉新寧接壤

涼風埡城西北二百四十里危峯萃嶽石徑崎嶇西交東鄉界  
爲往太平縣要道

溫湯井城北六十里連岡夾峙小河盤折其中鹽井在山椒  
涖舊有溫湯膏谷裕泉三井夏秋水漲有淹浸之患  
井人煙稠密約五六百戶北通太平東鄉界

餘里直至大寧爲縣東北各山總仁

雪泡山縣北三百二十里墨架山縣北二百四十里雪泡峯  
崔嵬高三十里自雪泡山橫亘而西至墨架山老林八十里  
又由墨架山斜疊而西六十里至與東鄉接壤之靈官廟又  
由靈官廟折而東有回基寨紫石巖滿口坪頂心石白馬山  
火焰山小蓋頂關廟山長嶺同羊牯巖大蓋頂仍與雪泡山  
接連諸山皆倚附於雪泡墨架靈官三山而險阻相等中路  
之小蓋頂山頭可以四望東西縱長一百餘里南北橫寬五  
十餘里循山而走計八百里八日始能一週奧衍幽險樹木  
蒼蔚介於大寧雲陽城口太平東鄉之間往昔爲賊竄匿之

所最爲要險

太平縣舊本州治與陝西興安州號爲邊界二州後改爲縣嘉慶七年經畧額侯會奏三省善後事宜陞爲同知廳治直隸川東道太平與興安漢中接壤爲陝西四川門戶太平屏蔽川東川北其險不在太平而在西鄉定遠前已詳言之矣顧太平在川究爲第一重要隘東之由大寧剪刀峽一碗泉東北之由兩扇門南天門大小界嶺皮貨舖窺伺川東北者必取徑於太平卽由川入秦必由太平之滾龍坡與通江之嶺峪關分道出定遠西鄉則太平固川陝共憑之要也嘉慶七年設副將營轄竹峪關守備城口都司聲威最爲雄壯後因

東鄉監所滋事移安副將於綏定府太平改爲遊擊營與  
口都司均歸綏定協管轄統轄於川北鎮總兵東鄉一帶  
將就近彈壓而邊徼兵防未免少單城口至綏定相距近八  
百里太平至綏定相距亦近四百里萬一猝生事端稟報協  
營實爲緩不及事將來於太平或另添協營俾與定遠綏定  
犄角相倚方可嚴川陝之鎖鑰而直趨大寧亦足以壯大昌  
徐家壩南要道之聲援則川東之防維固矣道光元年仍改  
大竹河汛縣東北一百八十里距碼碯山不遠由梨樹溪北進  
溝經蒿壩橫山子廟坪至汛汛在大竹河西岸北至紫陽之  
二州壩五十里西北至定遠之鹿池壩六十里前臨深澗後



倚崇岡極爲要險明崇禎十三年張獻忠由安康紫陽趨蜀  
左良玉追至太平縣碼碯山賊據山梁左良玉策馬先登賀  
人龍李良臣夾擊大敗之斬首三千七百餘級擒獻忠妻妾  
獻忠率千餘騎仍竄興歸山內是役也雖左賀諸將奮勇而  
大竹河一帶崎嶇幽險左軍先得地勢則爲要隘可知也  
橫山子東陡西坦上下三十里爲花蔺山之東支花蔺山自北  
而南綿亘數十里直至太平縣南白沙河後上有未開老林  
亦廳境大山

八臺山東一百三十里岑峩崔嵬爲縣境大山白沙河發源於  
此西出馬鬣灘八十里至縣城東出雙河小平溪二百四十

至城口應西南過天池壩七十里至白沙河山峻澗溪行  
路崎嶇人馬不能行走

寒溪寺縣東南三百里由井溪壩南進經山橋壩嘴大灘河翻  
山越嶺險路一百五十里東至甕坪七十里東北至鷄鳴寺  
七十里南至開縣雪泡山七十里山谷幽邃林木蒼蔚竄匿  
匪徒多在此一帶

明通井在寒溪寺東北五十里路極險絕鹽井二口日出鹽不  
能踰千觔故竈戶販賣之人不能多聚

固軍壩縣南一百八十里東北至舊院壩六十里在中河之旁  
連岡重嶂礧路崎嶇最爲險阻由中河沿溪而下小舟可至

東鄉設有弁兵防守

羅紋壩縣南一百八十里後河水出縣城至長壩白沙河水東來注之南行八十里至羅紋壩爲水碼頭舟行下東鄉綏定合州縣北大竹河所載襄樊花布起旱夫背陸行三百八十里至羅紋壩又可放舟西下故襄樊之貨由此直達川北較漢中之路更捷亦爲要隘設有弁兵防守

趙塘壩縣西七十里南至長壩七十里北至石人壩二十里與通江黃忠堡巴州鍋圈圖相接頗爲幽險

烏舉梁俗稱烏龜梁由井溪壩西南溝陡上十餘里礪路遇石徑崎嶇攀援而登目眩心悸過者牽挽上下稍不意

馬均斃此處爲通開縣要路牛溪之水自中河下固軍壩右距九十餘里

城口應在太平縣東當川陝邊界之中由縣東馬鬣嶺八臺山小路而進懸巖深澗人可攀援而前馬不能行險路三百四十里由梨樹溪大竹河進鷄公灘三灣雖竹兜單騎可行而礮路逼窄磴道陡峻絕險處亦必步行計程三百八十里城口廳於萬山中結平壩又於平壩中結小阜前有水口數十頃福興太和兩場爲山內大集舊設把總汛在今營東一里許嘉慶七年經畧會奏於城口設都司營移太平經歷分防其地東至大寧六百里南至開縣五百八十里北至紫陽五

百里東北至安康磚坪四百二十里最爲要隘搜捕零匪經  
參駐兵經年近議分設廳治

高觀寺在城口東一百八十里崇山峻嶺之中地稍平坦溪流  
潏洄水田數十頃人煙二三百戶山中大集場爲各老林要  
口議設文員分防

老壩口城口北八十里至楊泗巖七十里羊耳壩六十里山巖  
峨當川陝界嶺要隘

嵐溪汛城口東北一百三十里至南天門七十里路通安康之  
坪當川陝界嶺要隘設有弁兵防守

金鷄梁城口東北二百三十里至高觀寺九十里

十里至漁渡河五十里與平利八仙河徑路相通老埡口嵐溪汛均在峻嶺之上古木叢篁紛紜錯雜極爲險阻

黃墩埡城口東三百五十里大竹河在此發源當老林之口川陝界嶺山通江定遠紫陽磚坪平利東南徑至竹谿房縣大昌至山巴東各廳縣而於平利兩扇門偏巖子之間大嶺拖出一支西南赴大寧城口雲陽開縣結爲高山峻嶺蟠折二千數百里偏巖子至黃墩折而東則爲大寧剪刀峽萬春河紅池由剪刀峽北則爲太平之百里荒西爲漆子池老林中有池水廣數十畝俗訛爲漆子城東南爲大圍城小圍城山勢狀城堡寬廣數十里又東南爲東流溪西流溪分水嶺其水

出大寧雲陽注於黃連溪雲安溪皆大寧太平交錯地折而西南爲黃草坪七畝坡馬竹壩則太平雲陽交錯之地其由百里荒折而西南一百里至厚坪汛七十里至三溪子三十里至紙廠交大寧奉節界由厚坪西一百一十里至菜子壩折而南一百里至濛濛溪四十里慈子坪六十里長槽折而東南八十里仍會西流溪山慈子坪分路折而西南八十里貝母池九十里仙魚池三十里甕子坪三十里鷄鳴山九十里至開縣之雪泡山此帶山幽谷暗不通水道故老林未闢間有流寓之民在林中墾荒種苕蕎燕麥地氣高寒不能熟旋棄而他徙千里蒼蔚一望蒼茫採藥探路之人往往

忘歸路必裹帶十數日乾糧方敢前進天生奧區零匪竄跡  
其間經參各元戎深入搜捕近兩載始蕪事地勢使然勞瘁  
可知矣

厚坪汛城口東二百四十里扼各老林之要設有弁兵防守  
自芷山城口西南一百一十里密嶺崔嵬與八臺山花蔺山均  
爲太平大山太平中河導源於此

鷄公灘城口西一百二十里灘卽大竹河水小舟作渡南上三  
灣北登燕塘坪均三十里陡峻異常似太白山起人而雲生  
馬頭專爲此咏也輜馬至此捨而步行扶曳上下城口地方  
多古戰場此一要隘也



保寧府古巴子國東有平梁竹峪之阻西扼嘉陵劍關之險七盤朝天雲棧千里爲蜀西之門戶川北之屏藩唐光啓中王建爲利州刺史川庠說建曰葭萌四戰之地難以久安開中地闢人富攻之易下建襲據閬州後遂爲并蜀之本邊徼重鎮設有巡道總兵東至巴州三百六十里南至南鄭八十里西至劍州二百四十里北至蒼溪六十里

巴州在郡東亦古巴國地秦漢爲巴郡東晉時李特據蜀此地爲巴氏所據不置郡縣宋末於巴嶺之南置歸化郡梁兼置巴州山蟠巴岫水成字江崇山峻嶺深澗激湍地勢險峻爲川北之中樞寶蜀西之外翰州轄八鄉共六十二里

頭自東而西千有餘里南北相距四百餘里

州治漢宕渠縣地漢永元中分宕渠北界置樂昌縣仍屬巴郡  
長樂鄉在州境東所轄村落煙墩壩官壩之類至州城六七百  
里東境與通江相錯由州城至鎮龍關州判分防之地三百  
里而近內潘家園麻札石上下老官廟通地之錯入者橫寬  
七八十里縱長一百數十里自鎮龍關至秋波梁四百里而  
近內竹峪關絲羅壩黃忠堡各村庄通地之錯入者橫寬六  
七十里縱長一百數十里一邑所轄分成三段完糧考試戶  
婚田土詞訟及拘捕人犯必須兩越通江之境人犯屢不到  
案或中途逃逸者有之諺稱野巴州非其人之野實由地太

窩遠雖馴良者亦以越境質訊爲苦近議將鍋團圍以東接歸太平距城不過數十里遠亦在一百里內外民便而稽查亦易州城新設遊擊營防守足壯山內聲威

黃城關州東南萬山中嘉靖時議以黃城關界巴達二州間達州旣築龍船關其東偏西偏卽巴州長樂太平二鄉之衝不可不爲障寨因相示雲城漏明二區皆屬要隘又相距纔十里聲援甚近設關其上與龍船鼎峙爲三

鎮龍關州東三百里高山峻嶺中結小坪前臨深澗州判分防之地東山石窩場至煙墩壩三百六十里距太平縣城三十里又自煙墩壩四十里至秋波梁與陝西定遠交界東南由

石窩場陰背巖至王家壩二百六十里與太平交界南出  
地堡土巴營至方山坪一百五十里與達縣交界北出趕場  
子至洪口爲往通江竹峪關之路峻嶺深澗陡拔幽險周圍  
一千數百里並無平曠田壩最爲要隘

江口溪隘口州東一百八十里又州南二百里  
有茶壩司隘口  
卽江口一路

江口鎮州南二百四十里經雷山孤山坪至鎮巡檢分防之地  
巴江正流發源南江老林達巴州城南至江口定遠西鄉源  
出巴山之水流通江亦合流至此入巴故名曰江口順流  
而下則三匯渠縣北由雷山分路四十里至茨芭門又東北

六十里至得勝山卽南北山大兵在此屢獲勝仗故易今名得勝山州東三百四十里西至茨芭山六十里南下老官廟經黃家營至蜈蚣嶺九十里一路山勢蜿蜒徑路詰屈介在通巴接壤偶有伏莽山州拘捕舉足便入通境由通稽捕舉足便入巴境犬牙相錯號爲難治

大小巴山之間曰巴峪關又馬渡關在州東三百里

平梁城州西一十五里四面懸巖削壁狀似城垣只一路塔接而上號稱天險周圍數十里巴州險寨可據以守者甚多處石峯秀聳有四十八座蓮花寨之稱以平溪爲首上有五壩水山下稻種數石古寺龍泉二水月時不竭客居民此二

戶宋淳祐中都統制張實築城於此取平定梁州之義曰平  
梁城山因以名軍興時官吏士民避處於此軍精兵械寄儲  
其上

恩陽河州西九十里西十里竹家場爲大集場地勢開拓往時  
設恩陽縣治通保寧要路

七顆石恩陽河南四十里七峯卓立狀似北斗南錢庫嶺往儀  
隴要道

南江在巴州西北一百八十里西北至廣元縣四百里東北至  
通江二百八十里幅輳頗廣而人煙稠密共二十四場縣境  
北與陝西南鄭褒城寧羌接壤考大巴山之腹在西鄉定遠

山頭則在寧褒廣南水經於沔縣之養家河曰發源巴山其  
明微也巴山無圓木板枋各厥然他處尚備薪炭之用故漸  
次開墾其在南江者自廣元之城牆巖至通江之木竹埡纔  
長二百七十里以距水次太遠土壤焦黃與包穀雜糧不立  
故一望青蒼千章森鬱路徑亦多茫迷東北兩境但知其  
南褒接壤孰爲扼要未能瞭然心目也

段渠城東十里往時議設縣治於此

太虛洞空曠幽深可容千人邑人常避兵其間

貴民關卽鬼門縣東北一百二十里嶺峯險阻從此維繫  
木竹埡七十里又東北七十里至通江西河口爲

江南鄭之路最爲要隘

小巫山縣東北五十里上有十二峯下有龍洞卽巴山之羣峯也相近有蓮花峯峯巒繚四面層秀有石洞亦曰蓮花洞高室百餘丈內容千人外臨深淵邑人常避兵洞中

沙河子縣南七十里至馬掌四十里古柏夾官道兩旁黛色參天蒼皮溜雨大者連抱高十餘尋數千年物也土人稱爲神樹又謂之皇木一枝一葉不敢輕動

長池場在李家寨之下爲縣中大場分李家寨在沙河子東四十里距城一百一十里懸巖峭壁四面陡削一徑蟠折而登頂頗平坦有泉供汲飲軍興時官吏避處寨中



諸葛寨縣西百里高五十餘丈四壁峻拔惟一面鳥路可上  
有泉四時不竭相傳孔明駐兵於此可容萬衆

分水嶺縣南一百四十里往廣元要路東至羅家壩六十里西  
至百丈關七十里重岡連阜蜿蜒起復行人吁噫途中實爲  
要險

通江縣在巴州東北一百八十里至太平廳四百二十里襟江  
四出東之竹嶺關南山三溪子黃忠堡斜出巴斗坪與太平  
交界四百里而遙東南山唱歌郎斜插至下老官壩得勝壩  
三百里而近東北至鑽子壩與定遠交界西北至西河口與  
南鄭天池子交界四百里而遙近城無平壩而以城斜爲

治川陝邊界稽防不易

毛峪鎮縣東北四十里東北通定遠簡池壩北至空山壩通西鄉之樓林坪菩提河西北至西河口通南鄭之青石關廻軍壩西通南江之木竹壩四達奧區地當要隘有守備營防守德漢城縣東一百三十里萬山中崛起崖壑峭絕千仞狀如巖城泉水足供汲飲獨西南二徑凌險轉折而上有一夫當關之勢頂平數里可以耕藝宋淳祐中余玠臨視形勢命統制張貴因險築壘儲糧建邑爲恢復舊疆之計現今其上石壁四削中平尚容數千戶賊擾時官吏移居古城之中

西河口縣西北三百四十里當羊圈關之口兩山夾峙陡下二

十餘里由口仰攻甚難由關下口則建瓴之勢故往往取徑  
木竹堽花石梁間道

廣元縣秦葭萌縣隋唐爲利州亦曰益昌郡華陽國志蜀王封  
其弟葭萌於漢中號曰葭侯命之邑曰葭萌在昭化縣東北  
四十里寧羌州西南二百四十里前臨大江後倚峻嶺地勢  
開嚴爲兩川門戶近設遊擊營防守

漫天嶺縣東北三十五里峻出雲表大小二嶺相連一名蔓木  
山蜀道之阻險者

龍門關縣東十里嘉陵江東岸其地有千佛巖懸崖千仞  
石壁巖刻其形若門後鑿石爲佛像

左龍橋石樓關飛仙關皆距龍門不遠

朝子關縣東北五十里危巖峭壁嘉陵江水環遶其下石磴路折諸葛武侯出師運籌於此又稱爲籌筆驛蜀有三關之險此其一也最爲要隘

百丈關縣東一百二十里舊設黃楊營關旁有水深百丈東北通城牆巖東接寬灘與南江裒城寧羌各界嶺相距關至五郎汛一百六十里五郎至寬灘汛一百六十里在老林之旁均爲要隘

劍州府西北二百四十里宋郭忱曰州前瞰巨澗後倚層巒邊山而立一徑陂陀中貫大溪州治在平山內外居民悉在山

在山形勢險固禦敵之要地南至潼川三百六十里西至  
綿州二百九十里西至龍安二百九十里

劍閣城州東五十二里當小劍山之北蜀先主以霍峻爲梓潼  
太守始置縣晉因之後廢

大劍山一名梁山州北二十五里其東北三十里曰小劍山  
巖巒聯絡延亘如城下有隘路謂之劍門關大劍路頗平小劍  
則石上架閣尤險峻有大小劍水出於山下唐李德裕築  
羣山西來波積雲屯地險所會斯爲蜀門層巖峻壁森然  
戟萬壑奔東雙飛高閣翠嶺中橫黯然黛色樹若雄屏  
王國王氏曰大劍山兩崖相對劍門關在其上之云

達六百餘里西南去成都六百二十里

大虎寨東鄉所管距達縣東鄉均六七十里危巖懸壁嵯峨  
立周圍數十里四面無路可通只一徑蟠折而上石門洞闊  
作槽以守爲天然鐵城寨頂平曠有田有泉可屯數萬人賊  
擾時官民移據其上官軍亦常紮營

太平寨高平寨均達縣之地石峯峭削高數十丈土民憑險以  
守常寄貯兵精又開縣三十里亦有太平寨巖岫環繞險阻  
相類

大寧縣有老木園雲陽縣有祖師觀營山縣有箕山寨皆巖巒  
陡削頂結厩平有泉可供汲飲爲居民清野堅壁之地

渠縣正北鷄子寨西北猪山寨正東兵山寨崙嵯峨高出雲  
表四面石壁一徑中通頂均平曠可容萬衆號爲渠縣三寨  
廣安州正東七十里之大梁城層巖聳鼎森立千尋自然鐵壘  
金城上有水田千畝井泉十數道足供澆灌容數萬人宋嘉  
祐三年制置使余玠城大梁坪爲廣安治所寶祐末陷於蒙  
古景定初宋復取之石崖四絕實爲天險相傳張獻忠擾亂  
全蜀無不破城垣惟大梁得完固蜀地民情浮動土地豐饒  
爲外寇所窺伺而洞寨多奇險天心仁愛生此異區所以保  
護蒼黎也

澤壽山史稱劉子羽以是峻拔寬平且有水泉故雖自守以固

蜀口沔縣誌稱在縣西八十五里今沔縣西至寧羌五丁一百四十里沿途並無可守之險惟青羊驛一路山峽尚爲崎嶇因思饒峯不守吳武安退保西鄉子羽前至寧沔擇地結營當入蜀正路而西鄉爲間道在興元東南敵由興元進攻潭毒則慮武安之乘其後敵攻西鄉則潭毒不能踰興元以相援金師之攻潭毒者固以糧餉不至引去而實慮武安從後襲而擊之也

廣元誌稱潭毒在縣北九十里上有潭毒關下瞰大江路皆滑石登陟頗艱爲蜀口之險要下有深潭相傳潭下江岸有一鐵索見則兵動爲劉子羽築壘處此地形勢甚險較之沔誌



所載爲可據但距興元彌遠金師不能遠追至此也

仙人閣殺金坪史稱吳璘議前隘不足守亟修第二隘扼殺牛坪之險畧陽誌稱殺金坪在縣北白水江與保福山相近在白水江之北爲三川一路宜撫治所在興州爲今畧陽城而敵之由鳳州進者尚有成微兩縣均險阻可守豈當日所慮前隘在鳳成微耶而白水江三川一路險峻則實爲要衝青泥嶺在畧陽北一百五十里白水江西五十里通連之要爲古入蜀路蔡中郎有邠閣銘李白有青泥何盤盤之句宋年間漢棧久圯傾自柴關至褒谷山石砰裂沿途不通馬不能行走明皇僖宗幸蜀由池河今鳳縣至興州利州而進

其兄弟之禦金亦在微畧一路故宋利州轉運李虞卿倡修白水江路廢青泥一驛以爲取徑捷而經費省也

褒城驛孫誼記以爲濱臨漢江當梁益兩節度之衝今褒城縣

在石門之南前臨讓水

卽烏龍江

距漢江尚三十里南鄭誌稱西

南二十五里之柏鄉爲古褒城驛似爲近之唐人自長安至梁州大道則由池河興州而問道有二東子午谷所謂一騎紅塵妃子笑嘉州進荔枝路也東北由盤厓西駱谷取道華陽至洋縣瀘谷德宗幸興元路也當時使節赴蜀必有取徑問道者故褒城驛爲梁益衝

大散關相傳卽寶鷄之二里關距鳳縣之黃牛堡五十里兩山

夾峙一線羊腸蟠折而上旁臨深澗西上煎茶坪陡陂危磴  
高十餘里實爲天險寶雞峪口較他峪爲寬坦至大散關入  
險進風嶺柴關二十四馬鞍橋鷄頭關皆北陡而南稍夷往  
成徽者亦取道於此大散關洵蜀口第一重險要黃牛堡在  
關內地處四達吳武安當造步將楊從義築堡扼敵亦必爭  
之隘

徽王山竹山縣西南三十里宋張嶠有徽王記稱沂徽江上百  
里而近有兩山臨水其東穹崇而峯率其西蟠礴而渾厚高  
峻出飛鳥上土人目爲雄雌而均謂之徽王山山甚靈異環  
山數百里皆峻巖穹谷桑仲寇竹山境之被害者十七八惟

避於茲山者皆得免尚書牧野之篇武王伐紂助師者曰美  
鬲庸蜀微盧彭濮皆秦蜀楚邊徼之國茲山得王名或微自  
伐紂之後得封爵而還而茲山固其舊域歟遭秦焚書之後  
其世次不可考云然山張記核之則西南諸大山固皆微封  
不獨庸之爲竹山矣

鶯巖寨竹山縣城西南

國初無城垣官民棲此寨中知縣謝泰禦流寇楊明啟於此後以  
鶯巖逼窄移居鐵壁蔣家寨郝招搖合楊明啟屢攻不能克  
則鐵壁鶯巖爲邑要險矣

三省邊防備覽

民食

淑江嚴如煜輯

民食

山內徑路崎嶇轉輸維艱漢中地本膏沃加以堰渠之利武侯  
振復中興吳武安保障全蜀莫不屯兵漢中其良田數千頃可  
養勝兵十萬也蜀地川西一帶沃野千里各郡均有稻田足供  
軍精之用前史惟李順之亂有運糧秦中之累然自張詠知益  
州以官鹽易民米而儲糴以足其前之缺糧籌畫不善而非地  
無蓋藏也三省相連各境興安七屬僅漢陰產稻而商州之鎮  
安山陽商南雒南西安之孝義寧陝鄖陽之竹山宜昌之興山  
山坡硲确絕少稻田從前軍興借資江西湖南則十數州縣之

仰濟者多也

漢中山河大堰三道攔烏龍江水作堰烏龍江卽讓水也頭堰繞襄城城下至新集入漢已久圯第二堰由襄城之金華堰入南鄭經上漢衛高橋三皇川激入漢川環繞百餘里灌田二萬餘畝第三堰在二堰下五里至沙河下九真壩入漢溉田二萬餘畝相傳爲蕭鄧侯曹平陽侯所創考史高祖漢元年四月三漢中七月卽山故道出取三秦是時曹平陽侯從征而鄧侯三秦旣定卽以丞相鎮撫關中其在漢南爲時無幾茲往之其上查其堰身廣六丈至三丈深一丈七八尺分水之堰計長一丈六尺六廣一丈有餘深至一丈其出堰下灌田者

有小渠數十道類古川澮溝洫之制至用攔河縱橫釘巨木椿  
磊以亂石不疎不密攔河收水入大渠灌田由下而上下壩水  
遠一日灌至六日上壩水近七日灌至十日下壩用水將上壩  
各堰口用封條官封水漲之時則由各堰口洩水蓄洩均有成  
法又有糾合以司其總堰長分管三壩小甲各管小渠冬春鳩  
工起沙培堤上下三壩各分段落一應堰工事宜井井有條數  
千年來循之則治失之則亂雖鄧侯元勳才大恐亦倉卒不能  
定也竊以商鞅廢阡陌漢中尚爲楚地至楚漢之際猶有存者  
鄧侯因川澮溝洫之遺濬而爲渠故無事開鑿之勞而收灌溉  
之利其後武侯武安則又因鄧侯之舊加以修治漢中水利遂

爲東南堰渠所不能及觀此蓋嘆先生立法之良也

南鄭漢江之南引冷水河作堰有芝字堰黃土堰復潤興隆各堰口共灌田一萬數千畝嘉慶七年邑令班逢揚引冷水河開渠直至娘娘山東麓分上中下三壩上壩甫城灌田一千八百餘畝中下堰爲山水冲淤十三年知府嚴如煜謀竟其功委照磨陳開中改築迨至十七年中下壩均得木濟共灌田八千餘畝仍舊之曰班公堰

南鄭與褒城其水利者在漢江南又有廉水河之流珠堰柳堰等七堰南褒之田此帶最爲肥饒又引漢山溝水灌田有石門小石各堰引梁山溝水灌田有石子湃各堰其在漢江北天臺



山下引溝水作大池蓄水有南江順池黃道白楊等八池大者寬數十丈長二三里灌田各數百畝數千畝不等蓋自鄧侯創始民知堰渠之利蓄洩之方故處處皆興水利以供軍精以足民食信乎仁人之功其利溥哉

城固漢江北岸引涪水河水作堰者有高堰百丈堰五門堰楊填堰新堰等八堰五門最鉅分水洞激三十六處灌田五萬餘畝楊填則與洋縣共之溉田近二萬畝文川亦有渠一道灌田二三千畝在漢江之南引大沙河作堰有上官棗兒上盤下盤沙坪倒柳東流西流等十數堰灌田近四萬畝而南山下各小渠不與焉

漢中之烏龍江渭水河各水民循堰渠之規田收灌漑之益蓋有利無害者自數十年來老林開墾山地挖鬆每當夏秋之時山水暴漲挾沙擁石而行各江河身漸次填高其沙石往往灌入渠中非冲壞渠堤卽壅塞渠口稻田正含胎揚穗待澤甚殷而挖築之工所費不資民頗病之省工均費是在良能堰長首事矣

洋縣之楊填堰吳武安王令將軍楊從義修治者而瀘水溢水及漢江南之小沙河並華陽之西水北山之蒲河焦河西岔河引而成渠者通計灌田亦近十萬畝

西鄉之金洋堰引洋川水作渠灌田近萬其他木馬河龍洞沙

河各河水作渠者甚多西鄉

國初久被賊擾遺民不能完賦康熙雍正年間設招徠館南人至邑者并賜領地南人善墾稻田故水利不及南鄭城固而較勝於洋縣

沔縣漢江北引舊州河黃沙河作渠者有山河東西堰天分東西堰瀘水堰等在漢江南引養家河白巖河水作渠有琵琶馬家等堰各堰灌田亦不下五六萬昔武侯屯兵漢中築漢樂二城漢城在今沔縣樂城在今城固當時籌筆所區軍精爲重漢川之南城洋西周圍五百里間無不興之水利而蓄洩灌漑立法詳盡故以區區之地供十萬衆而足食也

定遠爲西鄉所分境內固鄉壩九軍壩漁渡壩平落鹽場梨壩上中楮河之屬有堰渠溉灌稻田約二三萬畝

寧羌東北羅紋壩正東大安驛等處渠田約有萬畝漢江在寧不甚湍激尚爲可用自沔縣會沮水水大流急於堰渠不能資其利矣故俗有漢江湯湯不到固鄉之諺

固壩之舊壩西江口鳳縣之安河有水田數千畝畧陽則不無小壩三四處矣故講民食留鳳寧畧定洋均以包穀雜糧爲主  
庄稼

興安府屬漢陰平利爲最安康次之漢陰有月河一河一壩觀音仙谿龍王溝板峪各水引水作渠數十道灌田二萬二

條計平利之大貴坪豐口壩獅子壩曾家壩白土關上下壩共十八壩大者廣一二里長七八里引水作渠灌田約四五萬畝安康惟恒口引恒河傅家河南溝作千工堰永豐堰大濟堰南溝等堰灌田六七千畝餘引黃洋河觀音河作渠灌田無幾

石泉之池河珍珠河大壩河渠田二千餘畝紫陽洵陽白河渠田零星通計七邑水田不逮南城一邑之多山民全資包穀雜糧而水路下達襄陽一千二百里又下至武昌一千二百里每遇歲歉借資下遊沂流而上灘高水急搬運維艱恒有鮮食之虞

藍屋山內數百里處處峻嶺深澗寧陝廳近城湯平河岸間有

水田不過數百畝孝義亦復相同蓋自兩當鳳縣歷岐郿寶雞  
迤東而至鎮安山陽皆在南山脊背不能有平曠之地卽就山  
灣水曲壘石作田氣寒水冷其米色黑不甚養人也

商州城外及東南各村其平曠之處與安康之恒口漢陰之月  
河相似溪澗之水足資灌溉而湖北武黃安徽潛六流徙之人  
著籍其間用南方築堰之法以收水利稻田數萬軍糈之資不  
勞外境

鎮安山陽寸趾皆山絕少水利商南雒南間有水田然亦不多  
故商自本州而外屬城四邑民食皆以包穀雜糧爲正庄稌  
鄖陽亦屬崇山峻嶺平疇水田十居一二山農所恃以爲養

者麥也蕎也粟也總以玉黍爲主至稻麥惟士官與市廛之民  
得以食之大約與秦中南山風氣相類而籌邊軍食則以稻米  
便轉輸而易烹飪故水利之灌溉不可不講鄖陽鄉民多種稻  
穀田之寬狹皆以種計鄖縣之堰以武陽盛水爲最鉅武陽分  
上中下三堰上堰下種七十一石中堰下種四十二石三斗下  
堰下種三十六石盛水堰下種亦百數十石縣東有橫塘南有  
柳塘十堰西有白龍方塘北有九頃坪甄家堰等皆舊堰也各  
堰皆下種百餘石而山農之因溪岸山灣作小渠以灌溉者處  
處有之鄖西於叢山中到處有小平壩溪水潌迴在縣東者有  
吳家堰黑龍堰歐家堰鐵堰火車堰一箭流東西堰大堰縣南

有小堰孫家堰西有陶家堰五里坪堰馬鞍堰北有千工堰偏橋堰石磴槽寬堰周恭堰土門堰香口堰唐灣堰近城數十里水田爲肥美上津所管平壩與縣相埒北有五峪堰西有四峪堰八里川堰東北有祥河堰南有黃雲堰皆古堰也每堰下種百數十石數十石而山農就山灣水曲因地開新渠者不在此數二縣產稻足給城市平原之食而鄖縣近豫省鄖西近南山客民尤多則稻田差多也

鄖陽在漢江南四縣竹山水田絕少雖堵水環繞其間收上庸孔陽施北星官渡楠河各流而山勢陡窄鮮膏沃之地故堰渠之利不大縣西之保豐場地稍平行有安河堰沙堰潘口堰處



月堰紅崖堰嚴堤堰大梵堰中壩堰郭家堰高峯堰白沙堰謝家堰城子坪上下二堰等數十處下種均不過數石數十石縣北近洵陽白河之處間有水田縣南鄰近大寧興山一路山彌高水愈急山椒水溝客民砌修水田漲發輒被冲去故竹山之民食軍糈均不能不借資於鄰境

竹谿爲竹山分出自東而西不逾二百里而西南地勢斜長包出竹山之外東與房縣南境接壤由線河鋪經水垵達縣城至和口塘計一百四十里其中雖有陂坳小阜而川原平曠溪流溱洄水田一帶學僧衣風景絕似江鄉其灌溉之利有官堰曾公二堰王公堰澤峪堰甘溪堰閭家堰沙溝堰大峪溝堰圍石

堰仙人堰白水堰陳家堰楊家堰金家堰老虎堰竹溪河堰等  
堰皆古堰也大者下種二三百石小者亦數十石北境近平利  
洵陽者亦間有小壩水田惟南境山水湍激山農仍仰於玉黍  
雜糧

房縣疆域最廣西南於興山巫山大寧爲鄰山大林深民食以  
包穀雜糧爲主與秦之南山無異縣城自東北白馬欄宜興歷  
縣城西南經房山廟下店子陳家鋪火枋溝一百數十里廣十  
餘里四五里平原廬廬溪流清漪間有小阜而錦畦繡塍風景  
絕佳堰之大者曰激解凡三畝中下畝以次而受上畝之水灌  
稻田近二萬畝又有白土堰杜溪堰柢枧堰沿觀堰石槽堰

河堰白河堰石馬堰東方堰化龍堰五龍堰棠溪堰馬堰  
白窩穿山摧溪耕麥等堰十處皆古堰也每堰下種百石數十  
石不等邑東有大湯池小湯池灌田亦多故房地四塞無商賈  
之羨而非大兵凶年則民無阻饑之嘆也

保康東與穀城南漳爲鄰西則毗連興山歸州山高谷深水田  
亦少距城近者張家堰堰塘三岐堰王錫堰豐來堰官庄堰毗  
七堰均平堰黃堡坪鴛鴦等堰距縣遠者有田旗大市河旁梅  
子堰蛇梁等堰共數十處下種百餘石數十石所產稻穀僅足  
供城市平糶之用山農饔飧以包穀雜糧爲主

興山在萬山中山大林深其峻險與歸州西南境相類山內多

武黃安徽之人以包穀蕎麥爲饑饉之資而澇水曲間有水田  
不足以供客商之食城市所需米糧恒仰濟上遊地方極爲瘠  
苦

四川之地最饒者在川西一十六邑蜀郡太守所開灌縣內外  
江之渠大約秦廢阡陌蜀尚各自爲國先王川澮溝洫之制猶  
有存者李冰因之爲渠計蜀渠之興與鄧侯之疏漢川各渠前  
後二三十年間法良故判溥慮周故行久川東雖水田不少而  
堰渠之利不逮川西川北平壩再收之田春夏待澤孔殷其  
嶺之間土壤特厚不似南山多石而楚粵僑居之人善於閘  
就山場斜勢挖開一二丈三四丈將挖出之土填補低窪

營壘而上緣塍橫於山腰望之若帶山下而上竟至數十層  
曰梯田山頂不能作池則就各層中田形稍大者深耕和泥不  
致漏水作高塍二三尺蓄冬水以備春種之用如平地池塘然  
其泥脚深頗能耐旱氣候較漢川早三四十日漢川田有夏至  
前栽秧者川中則三月底秧已全栽收最早大約處節前後已  
全穫收畢則將田趕犁種蠶豆豌豆大小麥油菜各項蕎麥間  
有種者不多至正二月早豆早麥熟三月則豆麥全收畢矣謂  
之早春二豆水淘磨閒去皮成糲和米蒸煮以供饗餐貧家無  
米則專食豆麥恒以早春充半歲之食若早春旱則蹙然憂早  
春熟卽稻不全成亦無阻饑之虞也

夔州山峻水湍在川東爲瘠苦其在江北者奉節一縣惟東北  
往大寧乾溪溝黑樓門等處間有水田周圍寬五六里二三里  
以畝計者不過千數百畝而已

巫山在峽中火峯界嶺天以之區楚蜀寸趾皆山惟西北一百  
二十里之大昌地稍平行有水田數十頃尚爲膏沃

雲陽濱臨大江連山疊嶺絕少平原東北與奉節交界有路陽  
二壩水田數十頃故奉節雲陽巫山三邑城市仕官兵民朝夕  
糗餐均供濟上游

大寧近城數十里巔巖聳峙與陝邊無異而西北六十里之平  
橋三壩豁然平曠寬四五里長四十里縣西之馬正壩以平

道寬二三里長二十里溪流潏洄水田膏沃歲收稻穀石計  
數十萬爲大宰精華惟境內鹽廠日聚數千人待哺者衆非本  
境所產能以供給則以鹽易米亦不能遏禁也

開縣之地共計三里東里接界東鄉太平西里接界新寧七里  
南與雲陽接連三里中上里連峯疊嶂絕少平夷之地東里雖  
有雲泡山翠架山靈官廟各老林而自榨井壩以南經譚家壩  
馬家溝溫湯井長店坊至縣城寬處六七里長九十里地勢平  
坦東溪曲折其中兩岸俱用筒車溉灌沃田數百頃而縣西之  
臨江市距縣城九十里西鄰新寧水田數百頃膏沃更勝於東  
里故開縣在夔府稻米最裕雲奉亦資其接濟也

三省邊防備覽

萬縣濱臨大江與雲陽相似各處均有平壩六田夔府產稻之鄉首開縣次萬縣

太平崇山峻嶺層疊不窮有一高山卽有一小田壩地勢絕類定遠太平近郭水田數十頃往開縣一路則白沙河舊院壩井溪壩等處往東鄉一路則長壩岡軍壩官壩羅紋壩等處均有水田坡口渡口場上下修溪壩高觀寺菜子壩普觀寺等處水田較多於太平而兩境山多田少稻收不過百分之一民食全賴包穀雜糧偶有大軍駐紮不能不借資鄰助

川北保寧所屬沿邊州縣廣元山大澗深形勢與寧羌相類接連一路迤邐非平原惟東往百丈關中經元壩子真武觀壁由百



丈關往保寧中經梁家壩東溪兩岸頗有水田其城牆巖寬濶  
各林旁地山農以包穀雜糧爲重

南江當巴山西麓未開老林城牆巖至木竹壩寫長近三百里  
自貴民關即鬼門關進老林深一百數十里南江之木林本境無溪  
澗可通其林未開林內亦無墾種之人貴民蟒洞而外雖無老  
林而連山疊嶂絕少平原惟沙河子官壩等處山灣河曲間有  
水田民食所資包穀雜糧故在川北最爲拮据

巴州地勢散漫山多田少州屬八鄉有上四鄉下四鄉之分下  
四鄉曰在城岷山恩陽鼎山內如恩養河平梁城元山場岳家  
寺响灘子郁山場鼎山場龍鳳坪馬家坪菁岡渡等處均有平

壩寬一二里至三四里長四五里至十餘里溪流際洄水田甚沃上四鄉新恩新德太平長樂山高嶺大與通南無異但巴屬之民多楚黔流徙善於開墾上山無石則旋繞挖作水田故梯田甚多民食以早春二豆秋稻爲主

通江東北煙溪閉溪宜溪苦草壩西北涪陽壩新場壩平溪壩朱家壩各等處山民沿溪河引流灌漑水田長四五里寬一二里者十餘處正東洪山塘洪口竹峪關三溪口東南麻扎石絲灘上下老關廟等處亦間有水田與巴州犬牙相錯民食以早春蕎豆麥秋稻包穀爲主

綏定之達縣山下其大到處均有水田東鄉與開縣太平巴州

連界之方斗場无密壩上下雙廟場胡家場普光寺黃金口厓  
溪豐城南壩等平壩寬一二里至三四里長三四里至十餘里  
不等溪流作渠筒車分灌早春豆麥秋收稻穀足資民食新寧  
則與開縣相類忠州之梁山少低地平水田肥美風景絕似川  
西數縣有餘之粟風土雲樹常以濟下游之乏也

益州沃野千里地肥美民殷富三楚三吳流徙之衆麋聚其間  
川東北邊境土沃不及川西而地廣賦輕開墾易以成業故流  
徙亦多漢川距吳楚稍遠其地之肥饒較川楚邊境爲勝謀食  
更易故吳楚之僑居蜀者又復轉徙漢川漢川農民種田糞土  
之宜全所不知卽水田中灰餅之類從無使用者田多之戶間

種茗華一二塊以爲肥田用然亦寥寥水田夏秋兩收秋收稻穀中歲鄉斗常三石京斗六百夏收城洋澆冬水之麥畝一石二三斗他無冬水者鄉斗畝六七斗爲常稻收後卽犁而點麥麥收後又犁而栽秧從不見其加糞恃土力之厚耳旱地以麥爲正庄稼麥收後種豆種粟種高粱糝子上地曰金地銀地歲收麥畝一石二三斗秋收雜糧七八斗興安漢陰亦然漢川民有田地數十畝之家必栽煙草數畝田則栽蕓或藥材數畝煙草畝摘三四百觔賣青蚨十千以外蕓藥材畝收八九百觔賣青蚨二三十千以爲納錢糧市鹽布慶吊人情之用煙蕓占地雖多其地頗加糞次歲收糧必多於民穀無妨也山內溪溝兩岸及

澆山低地種包穀麻豆間亦種大小之麥山頂老林之旁  
穀麻豆清風不能成則種蕎麥洋芋洋芋花紫葉圓根下  
生芋根長如線纒纒結實數十數顆色紫如指如拳如小杯  
味甘而淡山溝地一塊挖芋常十數石興漢平壩民居城市者  
北人食麪飯南人食米飯鄉民種米飯曰甜飯曰乾飯日用拌  
湯麥兒粥小米粥菜豆腐蒸饅鍋盔之屬名色種種以麥豆高  
粱小米爲之常日兩頓工作三頓乾飯只一頓早晚兩頓則湯  
粥間加餅饅雖有力之家亦然香稻蓋草黃之屬村中雖有不  
以食也包穀米作饅作麪作乾飯與稻米同熟時曰包穀棒  
窮民連包煮食或摘子炒食經畧兵至老弱軍精不能接濟常

與山民買包穀一塊軍士摘取然柴火煨熟卽用療饑山民言  
包穀米耐饑勝於甜飯也洋芋切片曬乾堪以久貯磨粉和苦  
蕎燕麥均可作餅饌志稱洋民好飲食平壩民用秫米蒸者  
卽糯穀曰撈糟曰黃酒小村店必開黃酒館或挑至村中賣之三  
四月山中會場張布棚擺矮桌低杌男女沽飲極其混雜山內  
無糯穀則用包米蒸酒包米難化揉草藥作麴藥性最烈和蒸  
米七日成酒名曰七日紅飲少輒醉癡狂迷性往往搬刀弄杖  
山內闔寨十有九醉竟有醉至死者有司屢行嚴禁不能止也  
川東鄉民親朋讌集皆用咂酒以高粱爲之置於罈遇讌煮  
仍裝罈內用咂管輪咂飲頗爲價廉省事包穀不可久貯

至三四月必發青久之中空無米背負市鎮價值不足給路費  
山中多包穀之家取包穀煮酒其糟喂猪一戶中喂猪十餘口  
賣之客販或趕赴市集所得青蚨以爲山家鹽布慶吊終歲之  
用猪至市集盈千累萬船運至襄陽漢口售之亦山中大貿易  
與平埔之煙草薑黃藥材等同濟日用蓋年歲歉收民有艱食  
之虞謂之穀荒年歲豐登粟穀太賤民間缺於使用謂之錢荒  
穀荒賴有公私積貯錢荒則賴山原自出之財用所以濟其窮也  
三省山內所產穀蔬附誌於後查山內花草藥菓鳥獸鱗介之  
屬芬奇珍異有平原所無者因與民食不甚有闕故概從畧

### 穀之屬

黍

維秬維秠

雅大

豐年多黍多稌頌秬黑黍也秠一稗二米也

傳

秬是黑黍之大者秠是黑黍之中有二米者別名爲秠孔

疏爾雅翼曰以大者而種故謂之黍孟秋熟故庶人薦黍有

露仁矮人馬尾黑穀單粒五種大約飯黍酒黍兩品而已

稷

黍稷重稷

風

黍稷茂止

周

先種後熟謂之重後種先熟謂

之稷

周禮

爾雅翼曰稷百穀之長也后稷播百穀獨以稷名

其播穀之地亦曰稷山其祀百穀以配社不曰他而曰稷蓋

舉稷黍稷稻粱之屬皆該之也稷有竹葉青有牛尾黃有紫

稷禾有棒杵穗有櫟花穀有狼尾有驢尾其類多於百穀大

率黏不黏兩種而已黏者釀酒不黏者炊飯



稷 有稷粟草粟薄地視狗尾柳眼青猶八粟棕葉

稻 十月穫稻風滌池北流浸彼稻田雅京兆貢稻唐書地理志一

名稱其類有數十種有蓋草黃色白味美粒長有安南黏色

紅味佳有冷水穀百日穀麻黏穀銀珠穀香穀黃秧早金線

早黃瓜早紅米早望水白青幹黏土黃黏葉裡藏大紅穀小

紅穀等為飯稻百草糯黃穀糯柳條糯釣魚竿香兒糯虎皮

糯寸穀矮脚黃三百顆麻穀糯等為酒稻

粱 維糜維芑詩經大雅糜亦粱粟也芑白粱粟也朱子集傳大宜粱禮

天大宜粱者大味酸而溫粱米味甘而微寒氣味相成故云

大宜粱賈粱者良也穀之良者也或云種出梁州故得粱名

本草綱目今處處有之穀穗有毛比他穀益胃但性微寒其聲為

涼米青者為青梁夏日食之清涼米白者為白梁形如芝蔴

亦曰芝蔴梁古白梁謂之芑赤梁謂之藁黃梁穗大毛長謂

之竹根黃今赤梁少青梁黃梁有之炊飯釀酒味極美

小麥 貽我來牟詩經來卽秣今之小麥也韻會京兆貢麥豐州

九原郡貢白麥唐書地理志爾雅翼曰麥者接絕續乏之穀最

熟又曰小麥生於桃二百四十日秀秀後六十日成蓋秋種

冬長春秀夏實具四時之氣寒溫冷熱兼備之矣

大麥 春麥也玉篇京兆貢麴唐書地理志爾雅翼曰麴者周后稷所

受瑞麥來牟也一作牟卽今之大麥蓋生於春二百日而秀

秀後五十日成宜為飯又可為醋其葉可為餲

青稞麥 青稞似大麥較衆麥先熟久服黑髮

橫麥 有二種一類小麥而大一類大麥而大本草味甘微寒

久服力健

蕎麥 有甜苦二種苦蕎味苦性涼甜蕎有三稜麴白味甘別錄

燕麥 一名雀麥苗葉似小麥而弱實似橫麥唐本草

蕎麥 苗葉較衆麥稍高實類小麥而大性硬造酒作饅佳別錄

蜀黍 一名蜀秫一名高粱莖粗高丈餘狀似蘆荻而內實葉

亦似蘆穗大如帝粒大如椒紅黑色米性堅實黃赤色有黏

不黏二種

王黍 俗名包穀幹葉類蜀黍而肥矮亦似薏苡苗高四五尺  
六七月開花成穗如秕麥狀苗心別出一苞如樓魚形苞上  
出白鬚如紅絨久則子堅大如芡實性畏寒若秋霖連綿則  
清風不實

菱稗 稗有水稗旱稗水稗生田中旱稗苗葉似稊子色深綠  
結子如黍粒茶褐色

大豆 七月烹葵及菽詩經菽之荏菽雅大豆菽也廣雅有無白  
黃褐青斑數色青名烏豆可入藥

赤小豆 有赤白黃麻四種白黃者作粉佳  
菜豆 性涼煮粥炊飯益氣除熱亦可作粉

豌豆 一名華豆一名胡豆農書云俗呼豌豆大者爲淮豆

芳 諸有青白二種土人多種以喂馬又作粉喂諸畜苗壯

別錄

蠶豆 方莖中空葉狀如匙頭正二月開花如蛾狀結角連綴似蠶形蜀中山原連畦種之春末夏初與二麥並收田家稱爲早春

豇豆 其花有紅白二色莢有紅白紫赤斑駁數色長者至二尺生必雙雙並垂

黃豆 有六月黃七月黃大小數種南人研漿合米炊食呼爲甜漿間有點鹵作腐者

稔 味與芝蔴畧同粒可取油

芝麻 卽胡麻有黑白赤三色莖皆方秋開白花亦有帶紫豔  
者有四稜六稜七稜八稜者皆隨土地肥瘠而然味甘寒榨  
油香美

亞麻 一名鷄麻一名壁虱胡麻苗葉俱青花白色其實亦榨  
油然燈氣惡不堪食

麻子 九月菽苴詩經苴麻子也毛喪服注云苴麻之有實者

然則菽苴謂拾取麻實以供食也孔一名漢麻以別胡麻也

蔬之屬

漢椒 生於漢中者云漢椒明一統志土人多作園圃種之本產

二葉以茱萸而小有針刺葉堅而滑四月結子無花但生於

枝葉間顆如小豆而圓皮赤紫色

圖經本草

花椒 卽秦椒始產於秦故名今漢中亦有之其葉對生尖而

有刺四月生細花五月結實生青熟紅大於蜀椒

地胡椒 辣椒也一名海椒有番椒七姊妹牛角椒朝天椒數

種生青熟紅子白味極辣

薑 茈薑漢荷上休張揖曰茈薑子薑也上林賦註蜀漢薑舊美陶

惟城同較他處爲勝

蔣蘿 一名小茴香其子簇生狀如蛇麻子善滋食廣藥

韭 獻羔祭韭詩經朝事之豆其實韭菹周禮

葱 葱漆處末禮記冬葱卽凍葱夏衰冬盛葉莖俱軟美山南

有之草木

蒜 蒜卵蒜也俗謂之小蒜葫國有蒜十子一株名曰葫蒜俗

謂之大蒜伏侯古興元貢夏蒜唐書地理志葫出梁州者大徑二

寸最美少辛

薤 酥暖薤白酒長慶集蘇恭云有赤白二種白者補而美赤者

苦而無味

蘼 蘼 張騫使西域始得種歸故名葫蘼今俗呼為蘼蘼柔莖

圓葉有歧根軟而白立夏後開細花成簇淡紫色五月收子

如大麻子辛香

苜蓿 李白詩云天馬常銜苜蓿花是此味甘淡不可多食有



宿根刈訖復生

蔓菁 根長而白味辛苦而短莖粗葉大而厚潤夏初起臺開黃花結角如芥其子均圓似芥子而紫赤色

茼蒿 一名蓬蒿莖肥葉緣有刻缺微似白蒿廣羣芳譜性平和能

令氣滿不可多食

白菜 菰白菜也黃縗無絲者佳經霜愈美所謂秋末晚菰也芥 芥似菰而有毛味辛可作菹食有青紫白三種皆以八九月下種冬月食者俗呼爲臘菜

菠薐 一名赤根菜性冷能解酒毒

莧 有赤莧白莧人莧紫莧土莧白者佳

馬齒莧 味酸寒根白梗赤葉青花黃子黑一名五行菜初夏

采沸湯焯過晒乾冬用佳

別錄

葵 七月烹葵及菽詩經葵為五菜之主古人采葵必待露解

故曰露葵

苦菜 即苦蕒也其莖中空高三尺餘折之有白汁本草綱目其汁

能療小兒蚊咀瘡

芑 薄言采芑詩經小雅豐水有芑大雅莖青色白似苦菜摘其葉有

白汁出脆可生食亦可蒸為茹

陸疏

蒼蓬 苗高三四尺莖若蒴藿有細稜夏盛冬枯

蜀本草

蕨 言采其蕨詩經召南春生苗如拳根可作粉土人遇年荒采根

搗麴濟饑

薺 小薺葉花莖扁味美大薺莖硬有毛味不佳

藜 一名菜一名紅心灰藜一名落藜老則爲杖

芹 言采其芹詩經片菜也產碧澗中極香潔可以爲蔬周禮

芹藟

山藥 始生赤莖細蔓花白實青黃根中白皮黃類芋

藟 九月十月下種生葉形色微似白菜冬春采莖心爲茹

三月則老不可食開小黃花四瓣如芥花結莢收子亦如芥

子此菜能歷霜雪近有油利種者亦廣

刀豆 蔓引一二丈葉如豇豆葉而稍長大五六月開紫花如

蛾形結莢長者近尺微似皂莢扁而劍脊三稜

藕豆 一名沿籬豆一名蛾眉豆花有紫白二色莢形或長或

圓或如龍爪虎爪子有黑白赤斑四色

芋 一名土芝一名蹲鴟葉似荷而厚栽田畔可供玉糝羹

百合 幹竊如箭四面有葉四五月開紅白花如石榴嘴根大  
如葫蒜采根食之益氣

蘿葡 有赤白二種赤者甚佳可爲羹

蒿苣 苣有數種色白者爲白苣色紫者爲紫苣味苦者爲苦

苣令壁 彭乘墨客揮犀云蒿菜自尚國來故名

菜瓜 疆場有瓜是剝足蒞詩經有青白二色生食可充菜蔬

醬豉糖醋藏浸皆宜亦可作菹一名稍瓜

黃瓜 一名葫瓜張騫使西域得種故名陳藏器曰北人避石勒諱改呼黃瓜杜寶拾遺錄云隋大業四年避諱改葫瓜爲黃瓜與陳氏說異

絲瓜 一名蠻瓜始自南方來故名結實狀如瓜有短而肥者有長而瘠者九月將老取子瓢絲如網可滌器

冬瓜 味清芳得霜愈美

苦瓜 一名癩葡萄引蔓莖葉卷鬚並如葡萄而小七八月開小黃花五瓣結長四五寸短者二三寸青色上癢癢如癩熟則黃色自裂內有紅瓢裏子瓢味甘可食

本草綱目

南瓜 結瓜正圓大如西瓜上有稜如甜瓜又名番瓜

壺蘆 八月斷壺詩經曲風蔓生莖長大小數種乾可作瓢

瓠子 甘瓠藥之幡幡瓠葉詩經小雅就地蔓生苗葉花俱如壺蘆

結子長一二尺夏熟

茄子 一名落蘇又名崑崙瓜有紫白二種梗赤高尺餘葉青

結茄圓大者二寸長瘠者五寸餘蒂有小刺

紅藕 一名薯蕷引於地莖微赤葉似山藥藕生根下狀如蘿

葡紅色

地輒 狀如木耳春夏雨後生腴地上急採之見日即不堪一

名地耳子一名地踏菜

木耳 生木上如耳可食

筍 按地理志興州貢筍○興元府貢冬筍乃背溪中出筍竹  
根深入故筍冬生今無是竹所產者小毛竹筍耳

蒲筍 生水中一名菱本一名蒿筍

藕 荷葉其根藕藕凡美菜行根如竹行鞭節生一葉一莖  
華葉常偶故謂之藕節